

No. 94. 1391. 25. Nov.

Markgraf Wilhelm eignet dem Laurentiusaltar in der Capelle zu dem h. Kreuze die von dem Stifter Meister Franz erkauften Gefälle und Zinse, bestimmt die Praestanda an die Pfarre und überträgt den Bürgern von Dresden das Verleihungsrecht dieses Altars.

In gotes namen amen. Wenne alle geschichte etc. — Dauon wir Wilhelm von gotes gnaden marggraue zcu Mißen, in dem Osterlande vnde zcu Landesberg vnde lantgraue in Doryngen nochfolgende sint vnde sin wullen den wegen vnser eldern, die gotes lob allecciit gemeret vnde gebreytet haben, das selbe wir ouch meynen zcutunde vnde noch vnser macht gotes dinst alle zeiti zcu merende, vnde tun kunt mit dißem brife vnde wullen, das is vffenbar sie allen cristenluten, das wir luterlichin dorch got, siner lieben muter Marien der reynen iungfrouwen, allen gotes heiligen zcu lobe vnde zcu eren, vnser eldern, vnser, aller vnser nochkomen selen vnde nemelichen allen gloubigen selen zcu selekeit vnde zcu troste czu eyne altar, der von nūwens gemacht, gestift vnde in der cappellen zcu dem heiligen Crucze in der stat zcu Dresden gelegen vnde in der heyligen ere sent Laurentii, Donati vnde Elizabeth gewyhet ist, diße nochgeschriben gut vnde gulde geeygent vnde gegeben haben. Czu dem ersten Dyterich von Aldendresden^{a)} gibet von eynem vyrteil ackers eyn vnde zeweynezig groschen, anderthalben scheffel korns vnde anderthalben scheffel hafern, Andrens Goran von ackere nūn groschen, Wittyn von ackere zehen groschen, Gelfryt Wyse von ackere vyrdehalben groschen, Smydewalt von acker zewelf groschen, Peter Sornewicz von acker funfzen heller, Hannes Monch von acker sechs groschen, Peter Erhard von acker vyrczen groschen, eynen scheffel korns, eynen scheffel hafern, Hans Coppaczsch von acker nūn groschen, Andrens von Aldendresden von acker achtehalben groschen, Jocoſ Schonborn von acker funftehalben groschen, Mertin Vyngerhut von eynem wyngarten eynen groschen, Peter Frouwenstein von acker, der Rudegers waz, vyr groschen, Hannes Blachhanczke von acker syben groschen zehen heller, Vle bie dem borne von acker, der Blachhanczken gewest ist, vyr groschen zcen heller, Nyce Benerynne von eynem wyngarten eynen groschen, Maye Wesscherynne von eyne garten bie den wisgerwern sechs groschen, Maye Hoppcherynne von eyne garten virczen heller, Jacoſ Vorberg von acker sechs groschen vyr heller, Henczil Doneyninne von eyne wyngarten nunczen heller, Peter Jungerman von eyner halben lufe eyn phunt pheffers vnde von eyne stucke ackers vyr groschen, Vlmanynne von Friberg von eyne stucke ackers eynen groschen, Peter Ahorn von eyne stucke ackers sechs groschen, zewene scheffel korns, Wygandynne von acker gelegen zcu Stroulyn^{b)} eyn vyrteil von eyner sturniczen honiges vnde drie groschen, eyn scheffel hafern, Mertin Greßer von acker gelegen zcu Stroulin eyn vyrteil von eyner sturniczen honiges, drie groschen, eyn scheffel hafern, Lange Jacoſ von acker vyr groschen, Jutte Wytterynne von acker zewene groschen zewene heller, Gerstenberg von acker sechs heller, Wiltberg von acker gelegen zcu Aldendresden eyn grosche, Friczsche Beyer von

a) Neustadt-Dresden. b) Strahlen bei Dresden.